

龍樹菩薩勸誠王頌

唐三藏法師義淨譯

此頌是龍樹菩薩以詩代書寄與南印度親友乘土國王一首此書已先譯神州處藏人多不見遂令妙語不得詳知爲此更定本文冀使流通固滯沙門義淨創至東印度耽摩立底國譯

有情無知覆心故 由此興悲爲開解

大德龍樹爲國王 寄書與彼令修學
此一行頌乃是後人所述標書本意也

具德我演如如教 爲生福慶而興述

真善宜應可審聽 此頌名爲聖祇底
隨何木等雕佛像 諸有智者咸供養
縱使我詩非巧妙 依正法說勿當輕
王雖先解如如教 更聞佛語增勝解

猶如粉壁月光輝 豈不鮮明益殊妙

佛法并僧衆 施戒及與天 一一功德聚

佛說應常念 十善諸業道 身語意常親
遠離於諸酒 亦行清淨命 知財體非固
如法施必芻 貧賤及再生 來世爲親友

眾德依戒住 如地長一切 勿充瘦雜怖
佛說應常習 施戒忍勇定 慧不可稱量
此能到應修 渡有海成佛 若孝養父母

其家有梵王 現招善名稱 來世生天堂
殺盜婬妄語 耽食愛高牀 斷諸酒歌舞
華彩及塗香 若女男能成 此八支聖戒

欲界六天上 長淨善當生 慳諂誑貪怠
慢姪瞋氏族 多聞年少嬌 並視如怨賊
說無生由勤 有死因放逸 勸能長善法
爾可修謹慎 先時離放逸 後若改勤修

猶如雲翳除 良霄覩明月 孫陀羅難陀
央具理摩羅 達舍綺莫迦 翻惡皆成善
勇進無同忍 勿使忿勢行 終得不還位
佛證可除瞋 他人打罵我 欺陵奪我財
懷恨招怨諍 捨恨眠安樂 知於水土石
人心盡彼同 起煩惱前勝 愛法者如後
佛說三種語 人美實虛言 猶如蜜華糞
棄後可行前 今明後亦明 今闇後還闇
或今明後闇 或今闇後明 如是四種人
王當依第一 自有生如熟 亦有熟如生
亦有熟如熟 或復生如生 菴沒羅果中
有如是差別 人亦同彼四 難識王應知
勿覩他妻室 設觀如母女 姊妹想隨年
起貪思不淨 如聞子藏命 防持躁動心
獸藥力忿火 無令欲樂侵 由欲作無利

譬如兼博果 佛說彼應除 生死牢枷鎖
謫誑常搖境 能除斯六識 執仗掃衆怨
許初爲勇極

臭氣九門衆穢室 行軀難滿薄皮纏
請看少女除莊彩 析別形骸惡叵言

癩蟲穿已痛 求安就火邊 止息無由逸
耽欲亦同然 爲知真勝理 作意觀衆事
唯斯德應習 無餘法可親 若人具族望

貌美復多聞 無智破尸羅 是人何足貴
若人無族望 貌醜寡知聞 有智護尸羅

人皆應供養 利無利苦樂 稱無稱毀譏
了俗世八法 齡心離斯境 再生天乞士
父母妻子人 勿由斯造罪 獄果他不分
若行諸罪業 非如刀斬傷 待至臨終際
惡業果全彰 信戒施淨聞 慚愧及正慧

七財牟尼說 共有物誠虛

博奔樂觀誼雜境 嫩隋惡友敦親志
飲酒非時行六過 此劫芳名爾應棄
求財少欲最 人天師盛陳 若能修少欲
雖貧是富人

若人廣求諸事者 還被爾許苦來加
智者若不修少欲 受惱還如衆首蛇
稟性抱怨如殺者 欺輕夫主如勇愚
縱使片物必行偷 宜可棄茲三賊婦
順若姊妹慈如母 隨從若婢伴猶親
如茲四婦宜應供 應知此室號天人
受餐如服藥 知量去貪瞋 不爲肥嬌傲
但欲任持身 勸軀度永日 於初後夜中
眠夢猶存念 勿使命虛終 慈悲喜正捨
修習可常研 上流雖未入 能生梵世天

捨離欲苦尋喜樂 隨業當生四地中

大梵光音及遍淨 廣果天生與彼同

若恒修對治 德勝愍衆生 此五行爲善
不行爲大惡 雨鹽鹹少水 豈若瀉江池
縱令微罪業 善大殄應知 瞳掉舉惡作

昏睡欲貪疑 如斯五蓋賊 常偷諸善利
有五最勝法 信勇念定慧 於此應勤習
能招根力頂 痘苦死愛別 斯皆自業爲
未度可勤修 對品忘嬌恣 若希天解脫
爾當修正見 設使人行善 邪見招惡果
無樂常無我 不淨審知人 妄念四倒見
難苦在茲身 說色不是我 我非有於色
色我非更在 知餘四蘊空 不從時節生
非自然本性 非無因自在 從愚業愛生
戒禁見身見 及毗織吉蹉 應知三種結

能縛木叉門 解脫終依已 不由他伴成
勤修聞戒定 四真諦便生 增上戒心慧
茲學可常修 百五十餘戒 咸歸此三攝
於身住身念 茲路善修常 如其鬪正念
諸法盡淪亡 壽命多災厄 如風吹水泡
若得瞬息停 卧起成希有 卒歸灰燼爛
糞穢難久持 觀身非實法 滅壞墮分離
大地彌盧海 七日出燒然 況此極微軀
那不成煨燼

如是無常亦非久 無歸無救無家室
生死勝人須狀肯 併若芭蕉體無實
海龜投木孔 一會甚難遭 奉畜成人體
惡行果還招 金寶槃除糞 斯爲是大癡
若生人作罪 全成極眷兒 生中依善友
及發於正願 先身爲福業 四大輪全獲

佛言近善友 全梵行是親 善士依佛教
衆多證圓寂 邪見生鬼畜 泥犁法不聞
邊地篋戾車 生便癡瘻性 或生長壽天
除八無暇過 閑暇既已得 爾可務當生
愛別老病死 斯等衆苦處 智者應生厭
說少過應聽 母或改爲婦 十三 父乃轉成兒
怨家翻作友 遷流無定規 一一飲母乳
過於四海水 轉受異生身 更飲多於彼
過去一一生身骨 展轉積若妙高山
地土丸爲酸棗核 數已形軀豈盡邊
梵主世皆供 業力終淪地 縱紹轉輪王
迴身化奴使

三十三天妓女樂 多時受已墮泥犁
速疾慘毒經諸苦 磨身拭體鎮號啼
妙高峯受樂 地輒隨其足 轉受塘煖苦

行經糞屎獄 歡喜芳園裏 天女隨遊戲

墮落劔林中 截手足耳鼻

或入曼陀妙池浴 天女金華艷形容

捨身更受泥犁苦 热炎難當灰澗中

欲天受法樂 除貪大梵天 更墮阿毗止

薪焰苦恒連 或生居日月 身光遍四洲

一朝歸黑闇 展手見無由 三種燈明福

死後可持將 獨入無邊闇 日月不流光

有命黑繩熱 合吽無間下 斯等恒纏苦

燒諸惡行者 或若麻牀杖 或粉如細末

如利斫斧木 猶如鋸解割 猛火恒煎煮

令飲熱銅漿 驅令上劔刺 叉身熱鐵牀

或時高舉手 鐵牙猛狗餐 鷹鳥觜爪利

任彼啄心肝 蛊蠅及諸蟲 其數過千億

利觜唼身軀 急墮皆餐食

若人具造衆罪業 聞苦身肉百千墮
如此頑駿金剛性 氣盡泥犁遭猛火
時觀盡變聞應念 讀誦經論常尋鞠
泥犁聽響已驚惶 如何遣當斯異熟
於諸樂中誰是最 愛盡無生樂最精
於衆苦內誰爲極 無間泥犁苦極成
人間一日中 屢刺三百槊 比地獄輕苦
毫分寧相搘 此處受極苦 經百俱胝秋
據五如其惡未盡 命捨定無由 十四如是諸惡果
種由身語心 爾勤隨力護 輕塵惡勿侵
或入旁生趣 殺縛苦恒親 遠離於寂善
更互被艱辛 或被殺縛苦 求珠尾角皮
錐鞭鈎斲頂 踏拍任他騎 受鬼望不遂
無敵苦常臨 飢渴及冷熱 因怖苦恒侵
口小如針孔 腹大等山丘 飢纏縱已糞

得少定無由 形如枯杌樹 皮方作衣服
炬口夜夜然 飛蛾隨充食 血膿諸不淨
福少獲無從 更相口排逼 還餐瘦熟癰
月下便招熱 日中身遂寒 望果唯空樹
瞻江水剩乾 如是受衆苦 經萬五千年
長時繫身命 良由苦器堅 若生餓鬼中
遭斯一味苦 非賢澀者愛 佛說由慳垢
生天雖受樂 福盡苦難思 終歸會墮墮
勿樂可應知 獸坐衣沾垢 身光有變衰
腋下新流汗 頭上故華萎 如斯五相現
天衆死無疑 地居人若卒 閻亂改常儀
若從天處墮 衆善盡無餘 任落旁生鬼
泥犁墮一居 阿蘇羅本性 縱今全覺慧
忿天生苦心 趣遲於見諦
如是漂流生死趣 天人畜及阿蘇羅

下賤業生衆苦器 鬼趣兼投捺落迦
縱使烈火然頭上 遍身衣服焰皆通
此苦無暇能除拂 無生住想涅槃中
爾求尸羅及定慧 寂靜調柔離垢殃
涅槃無盡無老死 四大日月悉皆亡
念擇法勇進 定慧喜輕安 此七菩提分
能招妙涅槃 無慧定非有 決定慧便溺
若其雙運者 有海如牛跡 十四不記法
日親之所說 於此勿應思 不能令覺滅
從無知起業 由業復生識 識緣於名色
名色生六處 六處緣於觸 觸生緣於受
受既緣於愛 由愛招於取 取復緣於有
有復緣於生 生緣於老死 憂病求不得
輪迴大苦蘊 斯應速斷除 如其生若滅
衆苦殄無餘 最勝言教藏 深妙緣起門

如能正見此 便觀無上尊
正定語業思 此謂八聖道
無由集愛起 爲寂可修治
八聖道宜行 即此瑜伽業
雖居舍嚴飾 智遷煩惱津
如穀因地造 諸先證法人
何假多陳述 皆凡具煩惱
聖談心是源 除惱略呈言
隨能修一事 如上所陳法
妙行三自修 芝芻難總行
後生壽無量 回向爲成佛
廣度於天人 事由情可伏
十六 福聚爾恒收
極難等怨親 衆善皆隨喜
生老病死三毒除 佛國託生爲世父
壽命時長量叵知 同彼大覺彌陀主
開顯尸羅及捨惠 天地虛空名遍彰

音釋

龍樹菩薩勸誠王頌

大地居人及天衆 勿使妖妍女愛傷
煩惱羈纏有情衆 絶流生死登正覺
超度世間但有名 由獲無生離塵濁
阿離野那伽曷樹那菩提薩埵蘇頌里離佞性翻
了阿離野是聖那伽是龍是象曷樹那義翻爲猛菩提薩埵謂是覺情蘇頌里即是親
密離佞性者書也先
云龍樹者訛也

也 桑 疾 移
搘 木 名 移
爪 沽 切 也
刺 沽 切 也
也 切 錢 刀
雖 錢 朱 惟
切 也 切 駛
剝 益 石 瘫 語
也 語 也 駛
如 切 素 色
切 角 才